

AKTIVITI MEMASAK BUBUR ASYURA DAN FORUM PERDANA MAAL HIJRAH BAGI TAHUN 2019 KOLEJ TENTERA UDARA

airforce.mil.my/berita/berita-dari-pusat-latihan/5423-aktiviti-memasak-bubur-asyura-dan-forum-perdana-maal-hijrah-bagi-tahun-2019-kolej-tentera-udara

ALOR SETAR, 19 Sep 19 - Sempena sambutan Maal Hijrah bagi tahun 2019, Kolej Tentera Udara (KTU) telah menganjurkan Program Forum Perdana Maal Hijrah bertujuan untuk memberi pengetahuan dan kesedaran kepada masyarakat tentang pengertian Maal Hijrah seperti memperingati peristiwa hijrah Nabi Muhammad SAW dan sahabat dari Makkah Ke Madinah.

Bagi merealisasikan tujuan ini, pihak KTU telah bekerjasama dengan Jabatan Agama Islam Negeri Kedah (JAIK), Universiti Utara Malaysia (UUM) dan Jabatan Agama Islam Negeri Perlis (JAIPs). Tajuk yang dipilih pada sesi forum tersebut adalah "Hebatnya Kepimpinan Rasulullah SAW". Antara ahli panel yang mengupas tajuk tersebut adalah Dato' Sheikh Abdullah Awang Sa, Timbalan Mufti Negeri Kedah, Prof. Madya Dr Ahmad Bashir bin Aziz, Pensyarah UUM Sintok dan Ustaz Haji Hashim bin Hj Othman Al Hafiz sebagai moderator.

Aktiviti memasak bubur Asyura telah diadakan bertempat di Surau Al-Iman KTU bersama warga KTU dan ahli BAKAT yang bergotong-royong bagi menyiapkannya dan diagihkan pada sebelah malam sempena Forum Perdana yang akan diadakan bertempat di Dewan Peperiksaan ITAS, KTU.

Pada majlis yang sama turut diadakan penyampaian cenderahati yang disampaikan oleh Komandan KTU, Brig Jen Dato' Muhammad Tarminzi bin Hj Mustapha TUDM.



